



Gudarien etorbidea, z/g 20140 Andoain



zuzendariari@jalgi.com



943 300 228

OHARRA: Ahalik eta iritzi gehienek izan dezaten tokia, ez da komeni makinazko 15 le-
rro baino luzeago idaztea gutun hauetan. Idatzi duenaren izena, telefonoa, helbidea
eta NAREN zenbakia agertu beharko dira. Laburtu behar izanez gero, zuzendaritzak
bere esku du horretarako eskubidea. Erdaraz iristen diren gutunak ez dira argitaratuko.



zuzendariari

Portalea pistoleroz beteta

Berriro ere Eibartar guztion kultur etxea polizialki okupatu dute PP-ko ekitaldi politikoa antolatzeko. Gaur egun mehatxupean bizi zarela esateak asko saltzen omen duenez, euren ekitaldiak bizkarzain eta poliziekin betetzen dituzte.

Kasu honetan Portalea kultur etxera inguratzen den edonor. Kontuan badugu 15:00etatik 21:00etara herritar mordo bat liburutegira, erakusketa aretora edo tabernara doala, argi dago, pasa den ostegunean, 13an, bertara hurbildu zirenek birritan pentsatuko zutela kultur etxera sartu baino lehen.

Herritarrak izorratzeaz gain, udaleko langileek ere gora eta behera ibili behar izan zuten euren aginduak jarraituz. Ezin da onartu erakuntza publikoa eta inguruko kaleak polizialki hartuta egotea PPkoek ekitaldi bat daukaten bakoitzean.

Horrelakoak antolatu nahi badiutuzte, joan daitezela inor izorratzen ez duten lekura, edo askoz hobe, guztion diruarekin ordaintzen ditugun bizkarzain eta polizien soldatak erabil ditzatela herritarron guztion onerako.

Eibarko PPko arduradunoi, gogorazi behar dizuegu joan zen irailetik ETAK su-eten mugagabea aldarrikatu zuela, eta zuen babeserako erabiltzen duzuen azpiegitura guztia alferrikakoa dela.

Hobe duzue PPko afiliatu guztiak benetako demokrazian hezi, herri guztiok autodeterminatzeko dugun eskubidea onartu eta Lizarra-Garazi akordioaren berri ematean inolako gezurrik esan barik espainiako gizartea informatzea. Egin ezazue apustu hori eta Euskal herritar guztiok, zuek barne, irabaziko dugu



justizia eta bakean, denok eskertuko dizuegu. **Ibon Muñoa** • Eibar-ko HBko Zinegotzien izenean • EIBAR (GIPUZKOA)

'Hertzainak' edo 'Starskey y Huch'

ETB, gure telebista publikoa, barne produkzioa serie berri bat eskaintzen hasiko zaigu: *Ertzainak*. Serie honen bidez, Ertzaintzaren eguneroko jarduna azaldu nahiko digute. Ez dakigu zein asmo izango duten, baina beldur gara polizia honen zenbait ekintza, besteak bezala eguneroko jardunekin direnak, ez direla serie horretan islatuko, eta uste dugu mereziko lukeela gogoratzea:

— Benetan erakunde horren ohi-ko jardunaren parte ote da euskara,

saldu nahi diguten bezala?

— Islatuko ote du serie horrek Ertzaintzak zenbait atxiloturi ematen dien tratua?

— Ikusiko ote dugu Lasa eta Zabalen hiletetan ikusi genuena bezalako aktuziorik?

— Islatuko ote dituzte herritarren manifestazioen kontrako gehiegikeriak?

— Agertuko ote da komunikabideren bat ixteko ahaleginik?

— Islatuko ote dute Ertzaintzak bandera espainiarra defendatzeko agertutako jarrera tinkoa?

— Agertuko ote dira denon burun daudenak eta inoiz ahaztuko ez ditugunak, serie honen bitartez beren aurpegia garbitu nahi izan arren?

Jon Lopez eta Iñigo Irasuegi • ARRASATE (GIPUZKOA)

galdeiozu...



Roman Sudupe

• GIPUZKOAKO AHALDUN NAGUSIA •

A-8 autobidearen doakotasunaren aldeko oihuak gero eta ozenago entzuten dira. Noizbait posible izango da?

Eneritz Oiarzabal [Durango]

■ **ETORKIZUNARI BEGIRA,** 2003. urtetik aurrera A-8 esku publikoetara pasatuko da eta holako azpiegitura bati eskatu beharko litzaioke bere mantenua eta eguneratzeko inbertsioak (A-8ak 30.000 milioi beharko ditu datozen urteetan) finantziatzea sortaraziko dituen diru iturri propioetatik. Horrek suposatuko luke peaje bat izatea, baina oraingoa baino dezentetxiagoa. Europa osoan peajeak indar aurrerakoien errebindikazioa bilakatzen ari dira kotxearen erabilpen neurrigabearen aurka, eta diru publikoak garapenerako eta elkartasunean oinarritutako ongizate sistema mantentzeko behar diren beste inbertsioetarako zuzendu behar baitira.

Maiatzaren 25etik aurrera
Joseba Tapia • TRIKITILARIA

izango da Galdeiozu ataleko gonbidatua.
Bidali zure galderak ordurako.

• MONTXO •

